



*Sabtu, 31 Oktober 2020*  
Ogen: Lukas 12:16-21



**"ERTA DONI LA JAMINEN"**



Lit salah sada lirik lagu KAKR nina :  
apa yang di cari orang, uang?  
apa yang di cari orang, uang?

apa yang di cari orang, siang, malam, pagi, petang,  
uang uang uang? Bukan Tuhan Yesus

Enda banci si ban sebagai salah sada slogan geluh manusia jaman gundari amin situhuna nai nari enggo me lit bage biak. Enggo pe erkotak-kotak emasna, lalap atena nukuri emas. Enggo pe lanai siat garasina, tambahina ka atena mobilna. Enggo pe mbelang tanehna, melala tanehna tetap nukuri taneh atena lalap. Manusia zaman gundari la erbias-bias "rasa puasna", sibayak erbayakna, si mesera ermeserana geluhna.

Lukas 12:16-21 nuriken kerna sekalak bayak si menimbun erta-ertana, lanai tehna ija nari iban ertana e emkap ulih jumana nari. Perbahanenna enda, nggo jadi perayaken geluhna, merawa Dibata (ayat 20) bana. Alu la si sedari, megati kita pe nggo merangap nandangi duit ntah pe erta doni enda. Lanai si inget Dibata si mada kegeluhen enda, si mpuna kerina isi doni enda. Apakah kita menjadikan uang sebagai dewa hidup kita?

Enda me sada turi-turin si icidahken Jesus man banta segelah kita pe la merangap nandangi erta doni enda, sabap sen/erta doni enda banci mis bene, kai si lit i bas kita endesken bagin Dibata, ngelakoken bagi si ngena ate Dibata emaka tetap maler pasu-pasu Dibata man banta. Ertana doni la jaminen banta guna ndatken kegeluhen si senang, erta doni la jaminen kita ndatken keselamatan, erta doni la jaminen kita nggeluh alu dame. Jaminen si kekal e nggeluh serta ras Dibata, enggo nge sada bagin si persembahkan man Dibata? Nggo nge pernah kita ngatakan bujur man baNa i bas kerina pemereNa banta? Inget Dibata pe erpadan man banta masu-masu kita alu kebayaken tapi ula merangap.

 *Ayakilah Kinibayaken bas Surga gelah dame gelukta*